



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K. Gradaševića 54, 76 250 Gradačac, telefon 035-369-750, fax. 035-369-751, e-mail: opc.grad@bih.net.ba, www.gradacac.ba

OPĆINSKO VIJEĆE

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine FBiH" broj 34/06 i 51/09) i člana 24. stav 1. tačka 2. i 21. Statuta općine Gradačac ("Službeni glasnik općine Gradačac" broj: 4/08 i 5/12), a u vezi sa čl. 2. st. 1. tačka 1.6., čl. 6. st. 1. i čl. 8. st. 1. Zakona o ministarskim, vladinim i drugim imenovanjima F BiH („Službene novine F BiH“ broj: 34/03 i 65/13) Općinsko vijeće Gradačac, na 10. radnoj sjednici održanoj dana _____ 2015. godine d o n o s i

O D L U K U O RASPISIVANJU JAVNOG OGLASA

Član 1.

Raspisuje se Javni oglas za izbor i imenovanje predsjednika i članova nadzornog odbora javnog preduzeća „Parkinzi“ d.o.o. Gradačac (dalje: javni oglas).

Član 2.

Ovlašćuje se općinski načelnik da preduzme sve potrebne radnje za raspisivanje javnog oglasa.

Član 3.

Ova Odluka supa na snagu danom donošenja, a objavit će se u "Službenim novinama F BiH" i "Službenom glasniku Općine Gradačac"

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće -

Broj:01-05-_____

Datum: _____ 2015. godine

G r a d a č a c

PREDSJEDAVAJUĆI
OPĆINSKOG VIJEĆA
Enir Šakić

Obrazloženje prijedloga Odluke o raspisivanju javnog oglasa

Zakonom o ministarskim, vladinim i drugim imenovanjima F BiH („Službene novine F BiH“ broj: 34/03 i 65/13) propisano je da općinsko vijeće, kao osnivač organa u kojem treba biti imenovano određeno tijelo, predstavlja odgovornog javnog službenika koji je obavezan sprovesti proceduru imenovanja. Konkretno, u ovom slučaju, Općinsko vijeće Gradačac je svojevremeno osnovalo javna preduzeća „Komunalac“ Gradačac i "Veterinarska stanica Gradačac" d.o.o. Gradačac. S toga je Općinsko vijeće ovlašteno da imenuje nadzorne odbore ovih javnih preduzeća.

Takođe, ovom odlukom se daje ovlaštenje općinskom načelniku da preduzima sve potrebne radnje tehničke prirode, a koje su neophodne za uspješnu realizaciju ove odluke.

Uz ovu odluku, Općinskom vijeću će biti ponuđeni na usvajanje i drugi pojedinačni akti. To su slijedeći akti:

- prijedlog Kriterija i standarda za izbor i ocjenjivanje kandidata koji će se prijaviti na javni oglas za izbor i imenovanje predsjednika i članova nadzornih odbora javnih preduzeća „Komunalac“ Gradačac i "Veterinarska stanica Gradačac" d.o.o. Gradačac
- prijedlog teksta Javnog oglasa za izbor i imenovanje predsjednika i članova nadzornih odbora javnih preduzeća „Komunalac“ Gradačac i "Veterinarska stanica Gradačac" d.o.o. Gradačac
- prijedlog Rješenja o imenovanju komisije.

Obzirom na zakonsku obavezu imenovanja organa upravljanja javnih preduzeća, predlaže se Općinskom vijeću usvajanje ove odluke i gore pomenutih materijala.

OBRADIVAČ

Općinska služba za
privredu, razvoj i finansije

PREDLAGAČ

Općinski načelnik

OPĆINSKO VIJEĆE

Na osnovu člana 7. st. 2. Zakona o ministarskim, vladinim i drugim imenovanjima F BiH („Službene novine F BiH“ broj: 34/03 i 65/13) Općinsko vijeće Gradačac, na __. radnoj sjednici održanoj dana _____ 2015. godine d o n o s i

KRITERIJE I STANDARDE

za izbor i ocjenjivanje kandidata koji će se prijaviti na javni oglas za izbor nadzornog odbora javnog preduzeća “Parkinzi” d.o.o. Gradačac

Član 1.

U postupku izbora kandidata na poziciju predsjednika i članova nadzornog odbora javnog preduzeća "Parkinzi" d.o.o. Gradačac primjenjivat će se opći kriteriji i standardi za izbor i ocjenjivanje.

Član 2

Opći kriteriji koje kandidat treba ispunjavati su:

- a) da je državljanin BiH
- b) da je stariji od 18 godina
- c) da je zdravstveno sposoban za obavljanje poslova na koje se kandiduje
- d) da nije otpušteni iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja upražnjene pozicije
- e) da se na njega ne odnosi čl. IX.1. Ustava BiH (da nisu pod optužnicom Međunarodnog suda za ratne zločine)
- f) da nije osuđivan za krivično djelo i za privredni prijestup koji je nespojivi s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne;
- g) da se protiv njega ne vodi krivični postupak
- h) da nema privatni finansijski interes u reguliranom tijelu u koje se kandidira u smislu čl. 2. tačke 1. i 2. Zakona o ministarskim, vladinim i drugim imenovanjima F BiH
- i) da nije na dužnosti u političkoj stranci u smislu čl. 5. Zakona o ministarskim, vladinim i drugim imenovanjima F BiH
- j) da nije član tijela zakonodavne, izvršne vlasti ili savjetnik u smislu Zakona o sukobu interesa u organima vlasti u F BiH („Službene novine F BiH“ broj: 70/08)
- k) da mu presudom suda nije zabranjeno obavljanje aktivnosti u nadležnosti Nadzornog odbora;
- l) da nije starije od 65 godina na dan imenovanja;
- m) da se ne bavi, samostalno ili u zajednici sa drugim osobama, djelatnošću konkurentnom djelatnošću JP "Parkinzi" d.o.o. Gradačac,
- n) da ne postoje druge zakonske smetnje za obavljanje poslova u nadzornom odboru u koji se kandiduje.

Član 3.

Standarde koje kandidat treba zadovoljiti su:

- a) VII stepen stručne spreme ili ekvivalent
- b) najmanje 3 godine radnog iskustva nakon završenog VII stepena stručne spreme ili ekvivalenta
- c) sposobnost prepoznavanja, zastupanja i zaštite interesa privrednog društva i uvažavanje interesa drugih zainteresiranih sudionika
- d) sposobnost za savjesno, odlučno, odgovorno i profesionalno obavljanje upražnjene pozicije
- e) izražena individualnost, inicijativnost, nezavisnost u radu i donošenje odluka
- f) da posjeduje znanje i sposobnosti razumijevanja poslovnih izvještaja
- g) da posjeduje znanje iz oblasti privrednog prava i ukupnog zakonodavstva na području djelovanja nadzornih odbora, korporativnih upravljanja i strategije poslovne etike
- h) da posjeduje znanje o djelatnosti kojom se javno preduzeće bavi
- i) sposobnost upravljanja finansijskim i ljudskim resursima i naklonjenost timskom radu
- j) da posjeduje organizacijske i komunikativne sposobnosti.

Član 4.

Opći kriteriji se ne boduju.

Član 5.

Standardi pod tačkama a) i b) se ne boduju.

Član 6.

Za standarde pod tačkama c), d), e), f), g), h), i), će komisija za izbor i ocjenjivanje kandidata prijavljenih po javnom oglasu za izbor nadzornog odbora JP "Parkinzi" d.o.o. Gradačac (dalje: komisija) pripremiti pitanja na koja će kandidati davati odgovore koji će biti predmetom bodovanja od strane komisije.

Komisija će svakom kandidatu za ponuđeni odgovor davati od 1 do 5 bodova.

Član 7.

Standardi pod tačkom j) će se bodovati u skladu sa općim dojmom koji je kandidat ostavio na komisiju tokom intervjua i to bodovima od 1 do 5.

Član 8.

Konačan broj bodova za svakog pojedinog kandidata će se dobiti na način što će se sabrati svi bodovi koje je kandidat dobio i podijeliti sa 8.

Član 9.

Komisija će sačiniti rang listu kandidata dobijenu na način opisan u prethodnim članovima ovih kriterija i standarda i istu dostaviti Općinskom vijeću, kako bi Općinsko vijeće moglo imenovati nadzorni odbor JP "Parkinzi" d.o.o. Gradačac.

Član 10.

Ovi kriteriji i standardi stupaju na snagu danom donošenja, objavit će se u "Službenom glasniku Općine Gradačac", a primjenjivat će se u postupku izbora i ocjenjivanja kandidata prijavljenih po javnom oglasu za izbor nadzornog odbora JP "Parkinzi" d.o.o. Gradačac.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće -

Broj:01-05-_____

Datum: _____ godine

G r a d a č a c

PREDSJEDAVAJUĆI
OPĆINSKOG VIJEĆA
Enir Šakić

Na osnovu člana 9. Zakona o ministarskim, vladinim i drugim imenovanjima F BiH („Službene novine F BiH“ broj: 34/03 i 65/13) Općinsko vijeće Gradačac, na ___ radnoj sjednici održanoj dana _____ 2015. godine d o n o s i

RJEŠENJE
O IMENOVANJU KOMISIJE (Prijedlog)

I

Imenuje se Komisija za izbor predsjednika i članova nadzornog odbora javnog preduzeća „Parkinzi“ d.o.o. Gradačac (dalje: komisija).

II

Komisija se sastoji od slijedećih članova:

- Mustafa Šakić, predsjednik komisije
- Suada Hećimović, član komisije
- Damir Kurjaković, član komisije
- Mevludin Sejdić, član komisije
- Hajrudin Hasanbašić, član komisije.

III

Komisija ima zadatak da sprovede sve radnje i postupke propisane u čl. 10., 11. i 12. Zakona o ministarskim, vladinim i drugim imenovanjima F BiH (dalje: Zakon).

IV

Ovo rješenje se primjenjuje od dana donošenja, a objavit će se u "Službenom glasniku Općine Gradačac".

Protiv ovog rješenja nije dozvoljeno izjavljivanje žalbe.

O b r a z l o ž e n j e

Članom 9. Zakona propisano je da Općinsko vijeće, kao odgovorni javni službenik koji je osnovao javno preduzeće „Parkinzi“ d.o.o. Gradačac imenuje članove komisije za izbor, te da se komisija sastoji od pet članova. Dalje Zakonodavac propisuje da će Općinsko vijeće samostalno imenovati komisiju za izbor, obzirom da su organi u kojima se vrše imenovanja u cjelokupnom vlasništvu nadležnog organa, dakle Općine. S tim u vezi je imenovana komisija koja je sastavljena od uposlenika Općina Gradačac, u skladu sa čl. 9. st. 4. Zakona.

U skladu sa čl. 222. st. 5. Zakona o upravnom postupku ("Službene novine F BiH" broj: 2/98 i 48/99) protiv ovog rješenja nije dozvoljeno izjavljivanje žalbe.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće -

Broj: _____
Gradačac, _____ 2015. godine

PREDSJEDAVAJUĆI
OPĆINSKOG VIJEĆA
Enir Šakić

OPĆINSKO VIJEĆE

Na osnovu člana 8. Zakona o ministarskim, vladinim i drugim imenovanjima F BiH („Službene novine F BiH“ broj: 34/03 i 65/13), u skladu sa Kriterijima i standardima za izbor i ocjenjivanje kandidata koji će se prijaviti na javni oglas za izbor nadzornog odbora Javnog preduzeća “Parkinzi” d.o.o. Gradačac ("Službeni glasnik Općine Gradačac" broj: _____) Općinsko vijeće Gradačac objavljuje

JAVNI OGLAS **za izbor i imenovanje predsjednika i članova** **nadzornog odbora Javnog preduzeća "Parkinzi" d.o.o. Gradačac**

Naziv pozicije:

Nadzorni odbor Javnog preduzeća "Parkinzi" d.o.o. Gradačac

Opis pozicije:

Nadzorni odbor JP "Parkinzi" d.o.o. Gradačac se sastoji od tri (3) člana. Nadzorni odbor će biti imenovan na mandatni period od četiri godine. Nadležnosti Nadzornog odbora utvrđene su čl. 269. Zakona o privrednim društvima ("Službene novine F BiH" broj: 23/99, 45/00, 2/02, 6/02, 29/03, 68/05, 91/07, 84/08, 88/08 i 07/09) i čl. 8. Zakona o javnim preduzećima u F BiH ("Službene novine FBiH" broj: 8/05, 81/08, 22/09 i 109/12). Konačno imenovane osobe ostvarit će naknadu za rad u nadzornom odboru u skladu sa aktima javnog preduzeća, odnosno prema ugovorima koji odobri skupština javnog preduzeća.

Uslovi (kriteriji i standardi) koje kandidat mora ispunjavati:

A) Opći kriteriji:

- da je državljanin BiH
- da je stariji od 18 godina
- da je zdravstveno sposoban za obavljanje poslova na koje se kandiduje
- da nije otpušten iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja upražnjene pozicije
- da se na njega ne odnosi čl. IX.1. Ustava BiH (da nisu pod optužnicom Međunarodnog suda za ratne zločine)
- da nije osuđivan za krivično djelo i za privredni prijestup koji je nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne;
- da se protiv njega ne vodi krivični postupak
- da nema privatni finansijski interes u reguliranom tijelu u koje se kandidira u smislu čl. 2. tačke 1. i 2. Zakona o ministarskim, vladinim i drugim imenovanjima F BiH
- da nije na dužnosti u političkoj stranci u smislu čl. 5. Zakona o ministarskim, vladinim i drugim imenovanjima F BiH
- da nije član tijela zakonodavne, izvršne vlasti ili savjetnik u smislu Zakona o sukobu interesa u organima vlasti u F BiH („Službene novine F BiH“ broj: 70/08)
- da mu presudom suda nije zabranjeno obavljanje aktivnosti u nadležnosti Nadzornog odbora;
- da nije starije od 65 godina na dan imenovanja;
- da se ne bavi, samostalno ili u zajednici sa drugim osobama, djelatnošću konkurentnom djelatnošću JP "Parkinzi" d.o.o. Gradačac;
- da ne postoje druge zakonske smetnje za obavljanje poslova u nadzornom odboru u koji se kandiduje.

B) Standardi:

- k) VII stepen stručne spreme ili ekvivalent
- l) najmanje 3 godine radnog iskustva nakon završenog VII stepena stručne spreme ili ekvivalenta
- m) sposobnost prepoznavanja, zastupanja i zaštite interesa privrednog društva i uvažavanje interesa drugih zainteresiranih sudionika
- n) sposobnost za savjesno, odlučno, odgovorno i profesionalno obavljanje upražnjene pozicije
- o) izražena individualnost, inicijativnost, nezavisnost u radu i donošenju odluka
- p) da posjeduje znanje i sposobnosti razumijevanja poslovnih izvještaja
- q) da posjeduje znanje iz oblasti privrednog prava i ukupnog zakonodavstva na području djelovanja nadzornih odbora, korporativnih upravljanja i strategije poslovne etike
- r) da posjeduje znanje o djelatnosti kojom se javno preduzeće bavi
- s) sposobnost upravljanja finansijskim i ljudskim resursima i naklonjenost timskom radu
- t) da posjeduje organizacijske i komunikativne sposobnosti.

Uz prijavu kandidati su dužni dostaviti slijedeću dokumentaciju (originali ili ovjerene kopije):

- o) uvjerenje o državljanstvu (ne starije od 6 mjeseci) ili CIPS-ova prijav mjestu boravka
- p) diploma o završenoj VSS ili ekvivalentu
- q) dokaz o radnom iskustvu
- r) Izjave iz tačaka d), e), h), i), j) i m) Općih kriterija.

U roku od osam dana od dana imenovanja kandidat koji bude konačno imenovan za člana Nadzornog odbora bit će dužan dostaviti slijedeću dokumentaciju:

1. uvjerenje o zdravstvenoj sposobnosti
2. uvjerenje da se protiv njega ne vodi krivični postupak,
3. uvjerenje da nije osuđivan za krivično djelo i za privredni prijestup nespojiv s dužnosću u nadzornom odboru, pet godina od dana pravosnažnosti presude, isključujući vrijeme zatvorske kazne;
4. uvjerenje da mu presudom suda nije zabranjeno obavljanje aktivnosti u nadležnosti nadzornog odbora.

U roku od šest mjeseci od dana imenovanja kandidat koji bude konačno imenovan za člana Nadzornog odbora bit će dužan dostaviti uvjerenje/certifikat o završenom usavršavanju u skladu sa odredbama Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala („Službene novine F BiH“ broj: 71/09, 33/10, 23/11, 83/11 i 2/13).

Kandidati zaposleni u organima državne službe koji uđu u uži izbor i budu pozvani na intervju dužni su priložiti rješenje kojim je kandidatu data pismena saglasnost od strane rukovodioca organa državne službe za obavljanje dopunske djelatnosti.

Sa kandidatom koji bude ispunjavao sve potrebne uslove bit će obavljen intervju.

Prijave na oglas sa potrebnom dokumentacijom u roku od 15 dana od objave oglasa u "Službenim novinama F BiH" potrebno je predati neposredno ili dostaviti preporučenom poštom, na adresu: Općina Gradačac, ul.H.K.Građaševića br. 54, 76250 Gradačac sa naznakom "Prijava na javni oglas za izbor i imenovanje članova Nadzornog odbora JP "Parkinzi" d.o.o. Gradačac".

Obrazac prijave moguće je preuzeti na web stranici Općine Gradačac www.gradacac.ba ili na šalteru informacija u šalter sali Općine.

Nepotpune, neblagovremene i neuredne prijave neće se uzeti u razmatranje.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće -

Broj:01-05- _____
Datum: _____ godine
G r a d a č a c

PREDSJEDAVAJUĆI
OPĆINSKOG VIJEĆA
Enir Šakić